

Na osnovu člana 18. stav 1. tačka m) Ustava Kantona Sarajevo ("Službene novine Kantona Sarajevo", br. 1/06, 2/06, 3/06, 16/07, 14/00, 4/01 i 28/04), Skupština Kantona Sarajevo, na sjednici održanoj 24. oktobra 2007. godine, donijela je

ODLUKU

O PROGLAŠENJU 5. FEBRUARA DANOM SJEĆANJA NA SVE STRADALE GRAĐANE GRADA SARAJEVA U PERIODU OPSADE 1992.-1995. GODINE

I.

Dan, 5. februar, kada je počinjen stravičan zločin na lokalitetu "Markale" proglašava se Danom sjećanja na sve stradale građane Grada Sarajeva u periodu opsade 1992. - 1995. godine.

II.

Dan sjećanja na sve stradale građane Grada Sarajeva u periodu opsade 1992-1995. godine, 5. februar obilježavao bi se obaveznim programima komemorativnog sadažaja sa protokolarnim aktivnostima, kao što su: komemorativna sjednica Skupštine Kantona, Gradskog vijeća i svih općinskih vijeća, historijski čas u svim osnovnim i srednjim školama u Kantonu, posjetama i polaganjem cvijeća na spomen-obilježja poginulim braniteljima i civilima Grada Sarajeva i drugim aktivnostima koje bi, svake godine bile definisane od strane resornog ministarstva, Vlade i Skupštine Kantona Sarajevo.

III.

Ova Odluka objavit će se u "Službenim novinama Kantona Sarajevo".